

Headline
Date
MediaTitle
Section
Journalist
Frequency
Circ / Read

Kerjasama UIAM, Mimos perkasakan aktiviti R&D
01 Jul 2009
Berita Harian
Pendidikan
N/A
Daily
192,917 / 1,521,000

Language
Page No
Article Size
Color
ADValue
PRValue

Malay
L-15
241 cm²
One Spot Color
3,895
11,685



Kerjasama UIAM, Mimos perkasakan aktiviti R&D

Oleh Khairina Yasin

UNIVERSITI Islam Antarabangsa Malaysia (UIAM) akan memastikan sasaran muncul sebagai pusat kecermerlangan penyelidikan dan pembangunan (R&D) dalam bidang keselamatan maklumat dicapai menerusi kerjasama terbaru dimeterai dengan Mimos Berhad (Mimos).

Dalam memorandum perjanjian (MoA) yang ditandatangani baru-baru ini, kedua-dua pihak akan menumpukan usaha dan perancangan terbaik bagi merealisasikan sasaran itu termasuk memperkasakan aktiviti R&D dalam bidang keselamatan selain merealisasikan penawaran program dalam bidang berkaitan.

Rektor UIAM, Prof Datuk Seri Dr Syed Arabi Idris, berkata kerjasama terbaru itu adalah kesinambungan MoA yang ditandatangani UIAM dan Mimos sebelum ini yang menyaksikan beberapa kejayaan dicapai termasuk penubuhan makmal keselamatan Cyber-space yang terletak di kampus induk UIAM di Gombak.

Katanya, penubuhan makmal keselamatan itu yang dilengkapi kemudahan dan peralatan termasuk meja optikal dengan peralatan mengukur, sistem pelara-

san pneumatik automatik, peranti optik dan elektronik serta perkakasan ujian bagi menyokong kajian dan projek yang berkaitan.

"Terbaru, UIAM-Mimos berjaya menjalankan projek penyelidikan bersama berkaitan Quantum Key Distribution dengan Lomonosov Moscow State University, Russia yang berjaya merangkul pingat perak pada Pameran ITEX 2009 di Kuala Lumpur, baru-baru ini.

"Perkongsian kepakaran dan pengalaman Mimos serta UIAM menerusi Kuliyah Kejuruteraan, Kuliyah Sains dan Kuliyah Teknologi Komunikasi dan Maklumat dalam bidang dikenal pasti termasuk telekomunikasi, matematik, kriptografi, optoelektronik dan fizik berjaya membawa kepada penemuan teknologi terbaru dalam bidang keselamatan maklumat.

"Bagi UIAM, kita melihat keperluan kerjasama ini diteruskan bagi meningkatkan keupayaan bidang R&D di universiti sekali gus memastikan sasaran menjadi universiti penyelidikan mampu dicapai seperti yang digariskan dalam Pelan Strategik UIAM 2015," katanya pada majlis MoA di UIAM, Gombak, baru-baru ini.

UIAM diwakili Syed Arabi manakala Mimos oleh Presiden dan Ketua Pegawai Ekseku-



SYED ARABI (dua dari kiri) dan Abdul Wahab bertukar dokumen sambil disaksikan Ahmad Faris (kiri) dan Mohamed Ridza.

tifnya, Datuk Abdul Wahab Abdullah, sambil disaksikan Dekan Kuliyah Kejuruteraan UIAM, Prof Dr Ahmad Faris Ismail dan Pengerusi Bersama Jawatankuasa Kerjasama UIAM-Mimos, Prof Dr Mohamed Ridza Wahiddin.

Sementara itu, Abdul Wahab menjelaskan, pihaknya akan memastikan perancangan mewujudkan Pusat Kecemerlangan Keselamatan Maklumat Kebangsaan di UIAM direalisasikan sejajar dengan potensi dan komitmen tinggi universiti itu membantu Mimos menghasilkan penemuan teknologi baru dalam bidang terbabit.

Katanya, kerajaan sentiasa menggalakkan R&D yang berorientasikan komersial dan meningkatkan keupayaan tempatan untuk membangunkan inovasi, mereka bentuk dan memasarkan teknologi tempatan.

"Justeru, organisasi penyelidikan termasuk Mimos perlu mampu untuk menghadapi cabaran dunia siber dengan mengoptimumkan penggunaan kemahiran dan pengalaman serta meningkatkan amalan pengurusan teknologi menerusi jalinan kerjasama dengan institusi pengajian tinggi," katanya.